

Na October por spera eleccion

ORANJESTAD (AAN): No ta exclui e posibilidad cu e añu aki eleccion lo worde teni den luna di October envez di December.

Manera ta conoci cu na mas di un ocasion a tene eleccion den luna di December, y esey a resulta un luna basta pisa pa hopi famia. Ta conoci cu December ta worde considera preparacion pa poblacion pa e dianan di fiesta di Sinterklaas

y Pasco y Aña Nobo, y no mucho hende ta contento cu eleccion e temponan ey.

Informacionnan nobo cu DIARIO a ricibi ta indica cu Prome Ministro tin e opcion den su man pa "Call Off" eleccion mas trempa envez den luna di December. Si esaki lo ta e caso e lo ta sigur un alivio tambe pa esnan cu ta envolvi pa entre otro prepara-

cion campaña y seguramente pa e personal di Censo cu dentro di poco mester bay inicia pa saca afor ta cuanto persona lo por voto.

E cantidad di votadornan pa locual ta e proximo eleccion lo ta segun calculo den careda di 60 mill persona. Cuanto partido cu lo participa na eleccion no ta conoci, esnan tradicional manera OLA,

AVP, MEP, fuera di PPA, ADN, posiblemente CLA y

dos otro partido politico lo lanta cabez di sorpresa.

Bo a ripara cu autonan ta birando menos?

Poco poco Agencia ta 'confiscando' autonan di polis

ORANJESTAD (AAN): Ta remarcable cu un tempo por a tuma nota di cantidad di vehiculo policial staciona dilanti Warda di Oranjestad. Parce cu e cantidad a cuminsa bira menos.

Segun investigacion cu lo a hiba algun vehiculo Policial na e dealer sea pa 'mantencion regular', esta cambia azeta, tune-up, etc. Pero tin indicacion cu e autonan no a regresa back den poder di Polis te dia di awe.

Manera ta conoci cu gobierno a yega na un palabracion cu ta lease e autonan policial for di e dealer. Aparentemente tin un cuenta habri pa cual e dealer na momento cu un auto di polis drenta pa service esaki ta keda den garage a-la-estilo di "confisca", esta e auto Polis no ta sali mas for di garage te cu dia regla cuenta atrasa.

Tin indicacion cu pa e motivo aki tambe e resto di vehiculonan Policial no ta worde hiba garage e dianan

aki. Pasobra nan ta core riesgo di worde 'confisca'.

DIARIO a compronde cu e problema aki tin atencion debido di e sindicato aparentemente esaki tambe lo bira un punto di discusion na e proximo ban topa entre nan y gobierno (Ministro di justicia), como cu mester bini un claridad ya cu e situacion no ta sano.

Ademas e situacion aki por worde alivia a base di e supuesto summa di cada boet cu

worde reparti un parti di esaki lo mester a worde deposita den asina yama "Politie Pot". E summa di placa aparentemente lo por core riba algun 100 mil Florin por cubri gastonan di material cu ainda cuerpo Policial ta grita pa auxilio algun tempo caba y no tin oido.

Autonan no ta tur cos, ainda tin varios material cu e cuerpo mester pa por traha efectivo y eficiente pa sirbi e comunidad.

Den Supermarket...

Cliente ta graba video di hendenan bao di 'Saya' y 'Shimis'

Polis a detene homber cu camera instala den zapato

ORANJESTAD (AAN): Un homber a hinca den su cabez pa instala un camera den su zapato cu e lens dirigi na halto. Un videorecorder chikito ta scondi den su tas.

Cu e aparato instala y poni riba "On", el a drenta den un supermercado. Durante cu e homber aki ta den e supermarket, e tabata cana cerca di varios hende muher. Pero tabata tin algun hende muher ta sinti nan incomodo y no a gusta cu e tipo aki ta actua straño asina cerca di nan. Algun di emuhernan aki a keha e actitud di e homber aki cerca e guardianan cu ta encarga cu vigilancia y seguridad den e supermercado.

Guardianan mes via nan sistema di camera a tuma nota di e actitud di e homber pa cual nan a dicidi di acerca e homber sospechoso. Un control den tas di e homber aki a worde descubri un videorecorder chikito cu ta a reda e homber aki cu den su zapato e tabata tin instala un mini camera.

A sali na cla cu ora a controla contenido di e videocasette, cu riba e pantaya tin grabacion capta bao di saya of shimis di e muhernan. Mesora e guardianan a notifica Polis di e caso y e homber di 42 aña a worde deteni pa su actonan inmoral e sospechoso ta sera na Tampa, Florida pa mas investigacion.

JAARVERSLAG NO TA CUMBINI ELECCION!



Gabinete Oduber tambe a yega di entrega presupuesto supletorio

ORANJESTAD (AAN): Diaranzon mes, Partido MEP a emiti un nota, indicando cu Ministro Tico Croes tin di stop di mal informa pueblo, esta cu e ta "E prome Ministro cu ta entrega un Suppletoire Begroting" desde 1986.

Esaki no ta berdad, como cu Gabinete Oduber a hacie cu Presupuesto di 1990 y 1991. Pero hama a yega di mira (ni tempo cu Refineria a cera) un Suppletoire Begroting manera esun di 000 di casi 140 mion Florin!